

- d. Að samlögin fallist á að hlíta þeim skilyrðum, er ríkisstjórnin kann að setja að öðru leyti fyrir starfsemi þeirra. 43
10. febr.
- III. Verðjöfnunarsjóði hvers svæðis skal úthlutað til fiskeigenda á svæðinu eftir fiskmagni, eftir að frá hefur verið dregið það fiskmagn, sem flutt er út á vegum samlaganna samkvæmt II. lið þessarar auglýsingar. Greiðslan skal vera ákveðin fjárhæð á kg, án tillits til þess hvort fiskurinn er fluttur út ísaður, lagður upp í hraðfrystihús, herzlu eða salt eða nýttur á annan hátt. Sjóður þessi skal gerast upp mánaðarlega og fari útborgun fram eins fljótt og auðið er.
- IV. Reglur um úthlutun á arði, sem verða kann af fiskútflutningi þeim, sem fram fer á vegum ríkisstjórnarinnar, verða settar síðar.

Ákvæði þessi eru hér með sett samkvæmt lögum nr. 11 12. febrúar 1940, til að öðlast gildi þegar í stað og gilda fyrst um sinn þar til öðruvísi kynni að verða ákveðið.

Atvinnumálaráðuneytið, 10. febrúar 1945.

Áki Jakobsson.

Gunnl. E. Briem.

- Staðfesting forsetans á skipulagsskrá fyrir „Snartartungusjóð“, útgefin á venju- 44
legan hátt að mandatum af dómsmálaráðherra 20. febrúar 1945. 20. febr.
Skipulagsskráin er þannig:

SKIPULAGSSKRA

fyrir Snartartungusjóð.

1. gr.

Sjóðurinn heitir Snartartungusjóður og er stofnaður af börnum og fósturbörnum um hjónanna Guðbjargar Jónsdóttur og Sturlaugs Einarssonar í Snartartungu, á gullbrúðkaupsdegi þeirra, 26. maí 1943, til minningar um þau og látin systkini og fóstursystkini stofnendanna.

2. gr.

Stofnfé sjóðsins er 1700 — eitt þúsund og sjö hundruð — krónur og má aldrei skerða höfuðstólinn.

3. gr.

Tekjur sjóðsins eru vextir af höfuðstól, minningargjafir hvers konar, áheit og aðrar gjafir, svo og ágóði af skemmtunum, er haldnar kunna að verða til fjáröflunar sjóðnum.

Sjóðurinn ávaxtast í Landsbanka Íslands.

4. gr.

Tilgangur sjóðsins er að styrkja efnilega unglinga í Óspakseyrarhreppi (eins og hann takmarkast nú), til náms í búfræði, hússtjórn og garðyrkju, jafnt til byrjunarnáms sem lokanáms í æðri skólum, erlendis sem hérlendis.

Þá fyrst má úthluta fé úr sjóðnum, er hann nemur 10000 — tíu þúsund — krónum og þó aldrei meiru en $\frac{1}{3}$ — þrem fimmtu — hlutum vaxta ár hvert.

44

20. febr.

Stjórn sjóðsins skipa 3 menn: sóknarprestur, sýslumaður og hreppstjóri þess héraðs, sem er starfssvæði sjóðsins, eða aðrir tilsvaramandi sýslunarmenn, verði breyting á skipan þeirra mála, er þessir menn fara nú með.

5. gr.

6. gr.

Reikningsár sjóðsins er almanaksárið. Skal reikningurinn endurskoðaður af sýslunefnd Strandasýslu og birtur í sýslufundargerð sýslunnar ár hvert.

7. gr.

Leita skal staðfestingar ríkisvaldsins á skipulagsskrá þessari.

Snartartungu, 26. maí 1943.

Einar Sturlaugsson.	Hjörtur Sturlaugsson.	Jónína S. Jónsdóttir.
Halldóra Sturlaugsdóttir	Guðborg Sturlaugsdóttir	Hjörleifur Sturlaugsson.
Jón Hjörleifsson.	Ásmundur Sturlaugsson.	

45

21. febr.

REGLUGERÐ

um breyting á reglugerð nr. 66 frá 26. júní 1944, um mat og eftirlit með útflutningi á ísvörðum fiski.

1. gr.

Aftan við 3. gr. komi nýr málslíður, svo hljóðandi:

Þó getur fiskimatsstjóri, þegar sérstaklega stendur á, leyft að lengri tími líði en að framan segir frá því að fiskurinn er veiddur og þangað til hann er afhentur í útflutningsskip.

2. gr.

Reglugerð þessi öðlast gildi þegar í stað.

Reglugerð þessi er sett samkvæmt lögum nr. 92 3. maí 1935, um meðferð, verkun og útflutning á sjávarafurðum, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 21. febrúar 1945.

Áki Jakobsson.

Gunnl. E. Briem.